

PETIKAN UMUM

Baca **Bahan 1** dan **Bahan 2** yang diberikan dengan teliti. Kemudian jawab soalan-soalan yang berikutnya dengan menggunakan ayat anda sendiri.

Bahan 1

Pertanian memainkan peranan penting dalam pembangunan negara. Oleh itu, pelbagai Langkah harus diambil supaya sector pertanian akan terus maju. *Orientasi dan persepsi* masyarakat tentang bidang pertanian perlu diubah. Selain itu, kempen untuk menggalakkan lebih ramai anak muda menceburi bidang ini juga perlu dijalankan bagi menghapuskan tanggapan bahawa pekerjaan ini bertaraf rendah berbanding dengan sector perkhidmatan. Mereka juga perlu diingatkan bahawa hasil penglibatan mereka dalam bidang ini akan dikecapi oleh generasi yang akan datang. Penghijrahan ke bandar juga dapat dielakkan dengan syarat tarikan seperti kemudahan asas, pinjaman, insentif, dan bantuan lain dapat disediakan dengan lebih banyak dan berkesan.

Seterusnya, program melahirkan petani moden dan dan berilmu perlu dilaksanakan secara tekal. Hal ini demikian kerana lebih banyak institusi pengajian tinggi yang menawarkan kursus yang berkaitan dengan penyelidikan pertanian telah ditubuhkan. Di samping itu, program penyelidikan perlu dijalankan secara bersungguh-sungguh untuk meningkatkan hasil pertanian. Malaysia boleh belajar dari Thailand atau dari negara Asia yang lain yang menjadikan produk pertanian sebagai bahan eksport.

(Dipetik dan diubah suai daripada daripada Dewan Ekonomi, April 2004)

Bahan 2

Untuk memajukan sektor pertanian, kaum petani perlu memiliki prakarsa untuk membuat perubahan atau sedia membuat reformasi terhadap sektor pertanian. Selain itu, petani moden juga perlu menggunakan sains dan teknologi yang canggih demi meningkatkan produktiviti, iaitu menjimatkan penggunaan tenaga dan meninggikan hasil tanaman yang berkualiti dan berkuantiti.

Tidak dapat dinafikan bahawa Kementerian Pertanian dan sektor swasta perlu menjalankan penyelidikan dan pembangunan (R&D) terhadap sektor pertanian. Jurusan Pertanian di Institut Pengajian Tinggi (IPT) dan pakar pertanian perlu berkomitmen untuk mengkaji penggunaan ilmu sains dan teknologi dalam sektor pertanian dan penternakan. Pegawai Kementerian Pertanian terutamanya Institut Penyelidikan dan Kemajuan Pertanian Malaysia (MARDI) sewajarnya menawarkan bengkel atau kursus untuk memberikan khidmat nasihat serta membekalkan baka benih yang bermutu kepada petani untuk menggunakan bioteknologi yang canggih.

Sumber : Internet)

- (i) Berdasarkan **Bahan 1**, berikan maksud “*orientasi dan persepsi*”.
- [2 markah]
- (ii) Berdasarkan **Bahan 1** dan **Bahan 2**, nyatakan langkah-langkah memajukan sektor pertanian.
- [4 markah]

- (iii) Malaysia kini sedang melangkah maju menuju era perindustrian. Namun, banyak pihak yang berpendapat bahawa kerajaan juga tidak harus mengabaikan sektor pertanian kerana sektor pertanian sangat penting kepada negara kita.

Pada pendapat anda, apakah kelebihan-kelebihan sektor pertanian kepada negara kita?
[3 markah]

- (iv) Remaja hari ini kurang berminat melibatkan diri dalam aktiviti pertanian.

Cadangkan langkah-langkah yang boleh mengubah senario tersebut.
[4 markah]

Jawapan

- i. Berdasarkan Bahan 1, maksud orientasi dan persepsi ialah _____.

- ii. Langkah-langkah memajukan sektor pertanian adalah

dan _____.

Selain itu, kaum petani perlu _____.

- iii. Kelebihan-kelebihan sektor pertanian kepada negara adalah

_____.

Selain itu, _____.

Di samping itu, _____.

- iv. Langkah-langkah yang boleh mengubah senario tersebut ialah

_____.

Selain itu, _____.

Di samping itu, _____.